

# Cansun dal Carlavèe d' Civareu dal 2002



Porcu can se 'l temp al passa,  
anca st'ann l'è già faurèe,  
guà rimetsi a báltti cassa  
l'è rivà n'aut Carlavèe.  
E poi nutta smantighèe  
sta cansun c'la fa ghignèe.

Na butuma cun passiùn  
cun la voija da fèe bèn,  
fèe ghignèe an quaicadùn  
cun la rima quant la vèn,  
e parè salvèe la faccia  
e sta storia ca l'è naccia.

D'una part guà cumincèe,  
parè i disu cui chi sà,  
storiì alegri da tratèe  
e quai beega dl'ultim ànn,  
paseèe via 'n quai mument  
e la fin sighi cuntent.

Che purcàa ca l'è gnu fora  
cun l'Osama, al delinquent,  
tutt al munt l'è vughì pòra  
quant l'è nasnu tanta gent...  
Nt'al neust pittu noi na smia  
che sti robbi sia fan mia.

E que dii dal Tèri Santi,  
dl'Israele e dl'Arafàt,  
ancò 'n po' chi van avanti  
i fan tucc la fin dal gât.  
Ma pussiblu che nissùn  
l'è truvà na solussìùn?

St'ann al ghè na nuvità...  
...e na disu c'lè 'l progress  
sansa lira s'v'è 'l marcà  
't peui butèla giù n'tal cèss.  
L'è na cros sal neusti spalli  
vegghì l'euro par al balli.

Forse forse, si varduma  
a l'è mei ciarchèe qui 'ntorn...  
chi lu sa chi trovaruma  
na quai storia 'd bonumor  
ca la parla dal pais  
d'la sua gent, di neust amis.

Al Cunsigliu rinuvàa  
gioveni e vegghì i s'dan da fèe  
par la PRO a s-vugarà  
sla g'è 'l fià da cuntinuèe.  
Par antant na nuvità...  
la PALECCA l'è rivà.

L'è 'l giurnal dl'Assuciasùn  
cun di-articul sal pais,  
criticà d'un quaicadùn  
ca l'è forsi n'ca 'n amis...  
"At peui sempri cuntestèe  
ma ricorti da firmèe..."



Par fèe 'n pressa la calàa  
l'è tacà la turbofresa,  
ma cun fiocca 'n po' gialàa  
l'è gnu fòo na grossa impresa.  
Gratta, gratta 'ncò na 'stiss  
l'era cume fèeghi ghètta...  
a la fin da stu pastiss  
l'è rivà cun la carètta.

Via 'n tal beuggiu dal Vassèe  
suma naj truvèe 'n amis  
che a la fin da tant laurèe,  
fent gni bel anca 'l pais,  
'n colp da chi e vun da là  
l'è rangiàsi fòo la cà!

L'è facc propriu an bel lavor,  
roba nova e da "restauro"  
'l ghè però 'l televisior  
a cl'è neuf ma 'l fa 'l "tanauro"...  
... varda 'n po', l'è peuj mia brutt  
ma gnanc dauralu l'è già rutt !!!

Sun ciamà cui dl' Assistensa  
prima o peuj i gnaràn sù,  
què ca 't veuj, guenta pasiensa  
'ncheuj i lavoru cun al cù;  
ma a la fin, schicià 'n butun  
l'è gnu fòo na trasmissiun!  
Dèe giuvnot sa 't veuj vardelu  
al TIVU tejj da vischelu.

Par quarcee al tecc 'd la cà  
in facc sù 'n impalcadura  
c'la ciupeva 'n po' la strà  
e s'paseva da misura.  
L'è 'n prublema mia mal...  
s'pasarà peui par Natal...?

L'è gnu 'n Civich a vardèe  
cume s'gira nt'la frasiun.  
"Tutt l'è a post, a s'po' pasèe  
l'è poi mia na stradun".  
'L ghè quatt gait 'nt al pais  
l'è mia 'l cas da esi amis...?

Nent a caccia 'n ver al Prèe  
l'è sentisi an gran turciun  
dopu an ora ( e tant petèe )  
l'è peuj nà suta 'n buscun !...  
e par peuj caghèe vantera  
l'è gavà la cartucera. (grosso errore)

Riciamai da tant udòo  
trei cinghiai in rivà cià...  
l'è tiraghi 'l caciadòo  
cun la s-ciopp cl'era scargà!  
Peuj al giuviva an mes a l'erba...  
... "l'è scapami... merda...merda".  
Mural: car matai a guenta mia  
restèe sansa artiglieria.

St'ann antant a fioca mia  
però a fà na frecc putana,  
l'è dal di 'd Santa Lusìa  
cl'è seren tuta la smana  
e 'l termometru dal Peru  
da 'n bun mes l'è sutta zero.

'L Mastalun e la Bagnola  
in tucc quent na lastra 'd giacc;  
istess al NUN e la Sabbiola  
'l seu culòo l'è cumè 'l lacc.  
Ma da adess, culi pescaj  
saran trutti surgelaj ?!?!?

An quaidun l'è disgrupassi  
e viscà la motosega,  
l'è tajà... sù arbi e frassi...  
par fè na pista da discesa,  
prunta beli par ja sci?  
ma la fiocca l'è da gni!  
L'è 'mpinissi la casina  
par la stua vegghì pina?

L'è 'n quai di ca gira vòs  
che dal resghi in bugiassi  
giù 'ntal pè dal pianti 'd nòs  
par pargèe bei traif ed assi,  
tanti, dricci, beli e novi  
forti e lunghi par tegni 'l piovi,  
dal vegghì tècc d'la poura gesa  
par gni 'ncuntra a tanta spesa.

Anca noi d'an Civareu  
stuma drèghi al nuvitai,  
smantigà suma 'l caudreu  
par cerchèe dal nòvi strai,  
navigant cun l'internèt  
't vai dal Piani giù l'Runchèt.

Una regula dl'Islàm  
i la cuntu i Maruchìn,  
dis da mia mangèe salàm  
murtadelli e cudighin.  
I gheu idea che 'n ca la Mecca  
i s'cuntentu d'na Palecca.

Al Bin Laden, mi lu seu,  
a d'la Regula s'nu 'n fa,  
mi l'è dimlu an Civareu  
parchè 'nsemma jin fin mangià.  
An tal fund ad la Paniccia  
al meutt sempri na susiccia.

La cansun la furnis qui,  
l'ghè più 'l temp da ciciarèe,  
'l martas gras l'è prestu qui  
la paniccia guenta fèe.  
Cun la fiocca o cun 'l bel temp...  
va spiciuma propriu 'n tent.

Civareu, 12 faurèe dal 2002.

*I rimatori strampalati  
del Terzo Millennio 2  
(www.cervarolo.it)*

